



Mbuzi, Mbwa na Ng'ombe walikuwa marafiki wakubwa.

Siku moja walisafiri kwa tekisi.



Walifika mwisho wa safari yao.

Dereva aliwauliza walipe nauli zao.

Ng'ombe akalipa.





Mbwa hakuwa na kiasi kamili cha pesa, akalipa zaidi kidogo.



Dereva alikuwa anajitayarisha kumrudishia Mbwa baki ya pesa zake.

Wakati huo, Mbuzi alitoroka bila kulipa chochote.





Dereva akakasirika sana.

Akaondosha gari bila  
kumrudishia Mbwa baki ya  
pesa zake.



Hiyo ndiyo sababu, siku zote, Mbwa hulikimbilia gari.

Nia yake ni kumpata dereva amrudishie baki ya pesa zake.





Mbuzi, anapousikia mlio wa gari, hutoroka.

Yeye huogopa kushikwa kwa kukosa kulipa nauli.



Ng'ombe huwa  
hashughuliki gari  
linapokuja.

Yeye huchukua muda  
kuvuka barabara.

Anajua kwamba alilipa  
nauli yake kamili!